

清泉縣志卷二十四

知縣事廣陵江恂輯

藝文志三

詩

送劉學士知衡州

宋 余 靖

朱幡新命漢諸侯地扼荆湘占上游醺醑水聲侵古堞祝  
融峯色入晴樓晝垂三組鄉粉過春擁雙旌嶽奇遊番直  
星垣歸緩步謫仙通籍著瀛洲

送劉學士知衡州

歐陽修

楊子懶屬書平居惟嗜酒一沐或彌旬解醒須五斗淡爾  
輕榮利何嘗問無有忍憶四馬歸行爲一麾守湘耐自古  
清泉縣志 卷二十四 藝文志 一 詩  
醇醑水聞名久簿領但盈几聖經不離口湖田賦稻蟹民  
訟爭隴畝兀爾卽沉冥安能知可否聊爲寄情樂豈與素  
懷偶藏器思適時投刀寧煩手行當考官績勿復困嬰缶

送劉貢甫謫官衡陽

王安石

劉郎劉郎莫先起遇酒當歌且歡喜船頭朝轉夕千里眼  
中之人吾老矣九疑聯綿皆相似負雪崔嵬插花裏萬里  
衡陽雁尋常到此迴行逢二三月好與雁同來鴈來人不  
來如何不飲令心哀莫厭瀟湘少人處謫官罇俎定常開

賦秋鴻送劉衡州

梅聖俞

秋鴻整羽翮去就自因時往春南方來遂止天泉池天泉  
水清泚鴛鷺日追隨蒲藻豈不樂江湖信所宜今朝風色

便暫向衡陽歸洞庭蓬葉下瀟湘先客飛渚有蘭杜美心  
無稻梁舁罾繳勿爾念鷹隼寧爾窺煙波千萬里足以資  
盤嬉峰前想回日青冥生路岐

畫瀟湘晚景圖三首錄一

蘓軾

西征憶南國堂上畫瀟湘照眼雲山出浮空野大長舊遊  
心自省信手筆都忘會有衡陽客來看意渺茫

衡州逢解子中別後奉寄

呂居仁

我來筠水陽君亦發章貢相逢瀟湘門及此兵未動臥聞  
羽書馳起已行者衆忽忽不及歎尙辱苦語送慨然念平  
生相從已加夢交游半生死所至多罅縫我衰學不入君  
亦老未用孰知一世中有此九鼎重子賤則君子閔子言  
清泉縣志

卷二十四藝文志

詩

二

必中師門未遽絕斯文實天奉別離又幾日坐想發孤諷  
衡州逼南嶽湘水寒不凍頗傳江西擾盜賊已放縱往從  
田蘓游此樂不得共

花光仲仁出秦少游蘓東坡詩卷思兩國士不可  
復見開卷歎絕因花光爲我作梅數株追少游

韻記卷末

黃庭堅

夢蝶真人貌黃槁籬落逢花須醉倒雅聞花光能畫梅更  
乞一枝洗煩惱扶持愛梅說道理自許牛頭叅已蚤長眠  
橘州風兩寒今日梅開向誰好何況東坡成古坵不復龍  
蛇看揮掃我向湖南更嶺南繫船來近花光老歎息斯人  
不可見喜我未學霜前草畫盡南枝與北枝更作千峯倚

晴昊

題花光山僧畫

黃庭堅

湖北山無地湖南水徹天雲沙真富貴翰墨小神仙

題花光爲曾公袞作水邊梅

黃庭堅

梅蘂觸人意冒寒開雪花遙憐水風晚片片點汀沙

題花光山僧畫

黃庭堅

花光寺下對雲沙欲把輕舟小釣車更看道人風雨筆亂  
峯深處是吾家

送王元均貶衡州兼寄元龍二首 陳師道

先生英氣蓋區中命與仇謀得老窮又見長身有家法可  
辭短簿怒吾公石頭路滑行能速宣室歸來語未終宛洛

清泉縣志

卷二十四藝文志

詩

三

風塵莫回顧直須畱眼送歸鴻

先生秀句滿江東二子緣渠得再窮詩禮向來堪發冢孫  
劉能使不爲公炎方瘴癘避軒豁故國山河開始終傳語  
元龍要相識江湖春動有來鴻

胡邦衡移衡州用坐客段廷直韻 王廷珪

朱崖萬里海爲鄉百鍊剛爲不屈腸復出光芒動星斗定  
隨雷雨起江湘歸期正待春回雁賀客爭持酒滿觴笑說  
開元丞相老淒涼偃月上標堂

送藺廷彥之衡州

朱松

牆東新徑去年開二老扶筇便往來數面何曾三日別離  
懷都寄十分杯客亭繫馬梅爭落官舍裁書鴈欲回秉執

樞機有知己未須卜築向蒿萊

思杜亭

姜光彥

十里松陰古道場一亭還復枕瀟湘詩翁至死憂唐室野  
客於今弔耒陽窻戶雲生山雨集巖溟花發曉風香不唯  
臨眺添惆悵自是年來鬢已霜

題劉志大嚴居厚瀟湘詩卷後

朱子

余南遊不能過衡山但見人說衡州門外泊船  
處風物令人愁未知信否因覽此卷書以訊之  
瀟湘門外水如天說著令人意慘然試向登高能賦客箇  
中何似汨羅淵

合江亭

范成大

清泉縣志

卷二十四藝文志

詩

四

合江亭卽石鼓書院今爲衡州學宮一峯特立  
踞兩水之會湘水自右蒸水自左俱至亭下合  
爲一江而東有感而賦韓文公所爲綠淨不可  
唾者卽此處今有綠淨閣

石鼓鬱嵯峨截然踞滄洲有如古盟主勤王會諸侯蒸湘  
伯叔國稟命會諸侯敢不承載書戮力朝宗周混爲同軌  
去崩奔不敢畱宜哉百谷王博大無與儔毳昔亂華車  
馬隔中州未聞齊晉勲包茅費誅求威文亦宏規尙取童  
子羞安知千載後但泣新亭囚我題石鼓詩願言續春秋  
衡永之閒山路艱澁薄晚吏卒闕云漸近祁陽路  
已平夷皆有津津之色

范成大

朝登赤土嶺暮八黃泥谷春江弄花月歸夢恍在口覺來  
行路難杜宇叫高木凹中泥沒踝凸處石齧足坐輿我尙  
病想見肩輿僕衡陽復祁陽可暫不可宿晚來出前岡路  
坦亭堠促將士走相賀喜色如膏沐人生本無悶逆境要  
先熟不從憂患來安識平爲福夷塗不常遇歷險始知足  
石鼓書院 范成大

古磴浮滄渚新篁鎖碧蘿要津山獨立巨壑水同波俎豆  
彌天肅衣冠盛事多地靈鍾俊傑寧但拾儒科

湘江舟尾快風掛帆

范成大

船頭雪浪吼奔雷十丈高帆滿意開我自只憑忠信力風  
應不爲世情來兒童屢惜峯巒過校士猶教鼓角催明日  
清泉縣志 卷二十四藝文志 詩 五

衡陽道中二首

范成大

桑下蕪菁晚高花出短籬茅簷少春事誰記浴蠶時  
黑殺鑽籬破花猪突戶開空山竹瓦屋猶有燕飛來

泊衡州

范成大

客裏仍哦對雨吟夜來星月曉還陰空江十日無春事船  
到衡陽柳色深

澹菴坐上觀顯上人分茶

楊萬里

分茶何似煎茶好煎茶不似分茶巧蒸水老禪弄泉手龍  
興元春新玉瓜二者相遭兔甌面怪怪奇奇眞善幻紛如  
擘絮行太空影落寒江能萬變銀瓶首下仍尻高注湯作

字勢嫖姚不須更師屋漏法只問此瓶當響盦紫微仙人  
烏角巾喚我起看清風生京城滿面思一洗病眼生花得  
再明漢鼎難調要公理策勲茗椀非公事不如回施與寒  
儒歸續茶經傅衲子

送蔡定夫赴湖南提刑

楊萬里

菊後霜前換繡衣湘南嶺北看梅枝還將方策汗青路拈  
出園扉草綠時四海幾人憐我老三年兩作送君詩借令  
貴殺衡陽紙半幅無妨慰夢思

送王子遵赴衡陽丞

趙蕃

王郎妙人物獨步向江東昔尉既不醉今丞寧肯聾相依  
唇齒國忽去馬牛風清絕官曹外何年著我同

清泉縣志

卷二十四藝文志

詩

六

送徐道暉遊湘水

趙師秀

春盡雨霏霏春寒猶在衣人尋香草去雁背遠峰歸瀟水  
添湘潤唐碑人宋稀應知名與姓題寫遍巖扉

楚觀歌

楚觀在湖南憲圃湘  
春樓在楚觀之後

趙汝燧

吾聞楚鄉江山多勝處人之楚觀尤得江山趣萬象排拶  
索應酬丹青閣筆無所措大則湘水小臨蒸衆流合派銀  
河傾陶寫秋氣浸明月夜波爽透百雉城右則鴈峯左右  
鼓雙屏競秀蒼龍舞吞吐嵐光飛亂雲涼風暝送兩崖雨  
江山之趣於此無不宜朝暮變化愈出而愈奇最愛鷗鷺  
甘冷澹占斷汀渚供娛嬉東塗西抹晚煙翠漁父歸舟卷  
釣餌鼓枻而歌倚半醉中有滄浪濯纓意杜若一片迷芳

洲憑欄懷古生新愁更上崔嵬千尺湘春樓縱目乾坤盡  
見衡嶽秋

題合江亭

趙汝燧

石鼓山頭一小亭乾坤萬里眼雙明雖因刺史能尋勝不  
遇昌黎豈得名衡嶽雲開天洗碧蒸江湘合水多清書巖  
莫辨當時事空積塵泥野草生

昌黎合江亭寄刺史鄒君詩末有願書巖上石勿使

塵泥澆之句

離衡州

姚 鏞

天恩下釋湘纍客心事悠悠月滿船種藥已收思病日著  
書不就負殘年雜花怪石分人去老竹荒亭入畫傳歸夢  
鑑湖三百里白鷗相候亦欣然

清泉縣志

卷二十四藝文志

詩

七

衡陽度歲

戴復古

爲懷賈誼到長沙又過衡雲湘水涯詩酒放懷眞是癖江  
湘久客若無家茫茫萬事生春夢草草三杯度歲華把定  
東風笑相問忍將桃李換梅花

湘中

戴復古

一棹無情度碧湘行行不脫水雲鄉旗亭少飲村醪薄田  
舍新炊晚稻香簫鼓遠來朝嶽去包籠爭出趨虛忙塗人  
有愧黃居士十載看經不下堂

衡陽寫懷簡王景大趙俊卿

戴復古

夢覺他鄉枕寒生半夜衾客程湖外遠秋意雨中深老馬  
尋歸路羈鴉憶故林家書連數紙難寫此時心

湘中遇翁靈舒

戴復古

天台山與雁山鄰只隔中間一片雲  
一片雲邊不相識三千里外却逢君

過衡陽晚宿

李曾伯

雨後春寒力山前夕照斜身猶尋壘  
燕聲雜宿林鴉過嶺尚十里隔邨能幾家  
毋嫌茅店惡窻下有梅花

衡陽道間

李曾伯

滿林松竹翠交加路過衡陽得幾家  
門傍粉墻人寂寂一陂春水數株花

題許介之詩稟

劉克莊

我畱鳶站外君住雁迴邊走僕行千里  
敲門授一編真妍

清泉縣志

卷二十四藝文志

詩

八

井粉黛至巧謝雕鐫何必周丞相  
男兒要自傳

煙竹舖

劉克莊

野迥村疎起暮寒偶逢廢驛卸征鞍  
主人家比漁舟小客子房如鶴棚寬  
燈與鄰通眠未易風從隙入避尤難  
似聞南去加蕭索一夜披衣坐不安

衡水道中二首

劉克莊

一舍常分作兩程雪鞭雨袖少逢晴  
平生不識終南徑來傍湖南堠子行

過了衡陽雁北迴鄉書迢遞託誰哉  
嶽山石鼓皆辭去惟有湘江作伴來

湘中口占二首

劉克莊



船頭吹火廬仝婢馬後肩書穎土奴安得世間名畫手寫  
予出嶺泛湘圖  
津吏河邊立指呼放船出鎖放州符書生行李堪抽點惹  
苡明珠一例無

趙忠定公帥蜀時題雪錦樓有扁舟衡嶽問歸程  
之句後人以爲讖題跋者甚多邵使君以墨本  
見贈敬書其後  
高翥

九鼎重安國勢牢功名易建謗難逃手扶日月掃雲霧身  
在江湖直羽毛雪錦詩成如讖兆金滕書啟兄勤勞紛紛  
論定知忠烈不負中朝兩字褒

題許介之譽文堂

樂雷發

清泉縣志

卷二十四藝文志

詩

九

端平中桂林伯尙書鍾公以遺逸薦東溪先生  
許侯於朝得旨補初品官衡州戶掾其告詞於  
始有夙有譽處且嫻文辭之褒於終有以行義  
教於鄉里之勉州人士莫不榮之明年許侯乃  
於東溪濱創堂五間以爲講道著書之地仍摘  
天語譽文二字以張其名敬上賜也堂成山齋  
先生爲之記者詳矣當世名卿大夫爲之賦咏  
者衆矣辱徵俚作敬書二首以記盛事併敘聖  
天子始終褒勉之意庶得附姓名於不朽云

曾佐元戎洗綠林此翁何止擅詩聲久辭驃騎尋瓢飲誰  
引鳴騶聒耦耕厚禮正羅溫處士浮名還汗阮先生衡茅

那識絲綸美尙擬升望結社盟

姜夔劉過竟何爲空向江湖老布衣造化忌名從古有詩  
人得位似君稀聖朝自要求參朮吾道何應賤蕨薇晚節  
黃花須愛護且教湘士挹芳菲

許介之以丞相周益公所書古樂府四篇見寄敬

題其後

樂雷發

紙上珊瑚閒木難曾敲黃閣卸征鞍賞音今有王園否得  
句堪尋岫嶁刊鸚鵡夜棲金屋冷的盧秋戰玉關寒春風  
歸雁那知己寄與深宮絕塞看

許介之館僕於東溪臨發贈別

樂雷發

洗耳泉頭漱晚涼西風衣被水花香酒邊豪氣橫荆楚燈

清泉縣志

卷二十四藝文志

詩

十

下清譚雜晉唐天地每窮眞俊傑山林偏有好文章試拈  
筭如同君舞後夜聞鷄月滿牀

寄雪篷姚使君

樂雷發

湘鱗六六寄相思疎柳新蟬想別時今夜各聽三楚雁秋  
風又老一年詩梅花且補離騷闕薏苡應爲史筆知剪竹  
疑峯新製笛待衝霜月訪桓伊

使君時寓衡陽

寄許介之

樂雷發

贏得詩名遍九州酒徒碁伴半公侯離騷甘隱魚鱗屋樂  
府多傳觀鵲樓醉葉幾窠藏菊徑蠹荷三畝護漁舟中原  
應有樓蘭國空鎖吳鈎到白頭

熊清父遊廣州時予有衡陽之役

樂雷發

邂逅陽華且酒壺海鵬衡雁各征途閑身俱被饑寒役老境還堪離別無鄉夢定應思欸段客吟何用說媿隅曾從仙叟參元訣好訪安期采澗蒲

常寧道中懷許介之

樂雷發

雨過池塘路未乾人家桑柘帶春寒野巫豎石爲神像稚子搓泥作藥丸柳下兩姝爭餉路花邊一犬吠征鞍行吟不得東溪聽借硯邨廬自寫看

白髭行

文天祥

憶昔守宣時白上一二髮去之四五年一化爲七八今年容衡湘黑髭已多黃衆黃忽一白驚見如陵陽白髮已爲常白髭何足怪歲月不可歇雪霜日長大世人競染緇厭清泉縣志

卷二十四藝文志

詩

十一

之固足嗤誰服蘆菹湯避老亦奚爲少老如春秋造物亦爲儔吾方樂吾天樂天故不憂

題楚觀樓

文天祥

西風吹感慨曉氣薄登臨半壁楚雲立一川湘雨深乾坤橫笛影江海倚樓心遺恨飛鴻外南來訪遠音

安序宋吏部來牧衡陽某將指聯事好也會以便

郡歸養獲忝交承臨發賦詩湘水千里

文天祥

傾蓋年華晚行人早發湘白雲虹浪小明月燕花香南浦春何急巴山日正長祝君加一飯我意爲同鄉

湘江畱別

文天祥

天祥叨臬衡湘蒙恩以便郡歸養□齋大卿實  
寓衡我十年前邦君也一再見閒卽分南北五  
言啓之庸紆繾綣云

瀟湘一夜雨江海十年雲相見皆成老重逢便作分啼鵲  
春浩蕩迴鴈曉殷勤江濶人方健月明思對君

幕客載酒舟次卽席敘別 文天祥

故人滿江海遊子下瀟湘夢載月千里意行雲一方櫓聲  
人語小岸影客心長總是浮萍跡飛花莫近檣

合江樓二首 文天祥

天上名鶉尾人間說虎頭春風千萬岫合水兩三洲客晚  
驚黃葉官閒笑白鷗雙江日東下我欲賦扁舟

清泉縣志 卷二十四藝文志 詩 十二

西楚驚鴻晚東淮落木秋蒸湘今石鼓句宛古宣州白口  
聊清賞青山總舊遊不知滄海水何處接天流

衡州送胡端逸赴漕時八月十五發兵討賊 文天祥

楚觀簷花曉舟人擊鼓東蛟龍暝靈雨鵬鶚展雄風此客  
雲霄士斯文造化工捷來君飲此我亦凱元戎

和朱衡守約山韻 文天祥

昔人一出正朋字今我慚非行秘書人樣相看願元祐詩  
章甚雅突黃初競言汲黯猶須復或謂顏愚亦可如把酒  
對花姑勿論春行後長莫妨徐

和衡守宋安序送行詩并序 文大祥

某將指罔功叨符便養初聯寅誼近依清燕之

香末忝交盟親授朱提之印冠蓋一時之盛事  
縉紳百世之深情別集殷勤歌詞鄭重夢回雲  
舍深懷萱草之色思乏雪車謾和梅花之賦瞻  
言作遠攬擲爲榮

玉立湘西第一州丹梯小爲嶽雲留東風城郭人行樂春  
日旌旗公出遊便趨綈香摩碧漢莫嫌綉影浣清流兩君  
相見衣冠好記取兒孫好話頭  
方共衡雲把酒杯春風吹向鬱孤臺鴈將回去驚帆落花  
未開時怯笛催別草可堪遊子去寄梅應爲故人來臨行  
笑覓凝香譜十駕那追逸驥材

李安撫芾

集杜

文天祥

清泉縣志

卷二十四藝文志

詩

十三

肯齋先生蜀人寓居衡陽乙亥畱夢炎爲潭帥  
夢炎歸相始起先生爲代先生倉卒運棹城守  
甚備及城陷先生殺其家人乃自焚死哀哉

殺氣吹沅湘

入衡州

高興激荆衡

李入判官

城中賢府主

課伐木

千

秋萬歲名

夢李白

渡湘江

文天祥

萬頃澄瀾碧玉寬笑乘一葉自輕安綠簑從此關心事待  
向煙林乞釣竿

寄雲林楊少雲自衡之桂

鄒登龍

問訊楊夫子經年客異鄉南浮湘水遠西望楚天長五嶺  
梅花發孤亭草色荒白雲遙滿目曷久住炎方

和雲壑吳衡州

釋道燦

紛紛世事幾昏明作計還山又未成欲學種松消永日不  
徒煨芋博虛名雲開衡嶽鵬程濶秋入鄱陽鴈影清也欲  
摩挲病來眼春風暖處望前旌

楚雲湘水圖歌謝張師夔教授

元龔璠

離騷之國幾千里十幅蒲帆順風駛順風猶須兩月程伊  
誰移來墮書几張君墨妙游戲爾亂風因君接天起蒼然  
古本摧不死君應曾隱茅屋底得非是閒種蘭芷慘淡經  
營那及此松連閣上聽秋聲讀書眼花字如蟻玉立長身  
挾童子披圖置我平生喜憶昔詩家愛許渾凌歊荒臺尋  
舊址云何姑孰大江邊望湘潭雲尺又咫我今識君意總  
清泉縣志卷二十四藝文志詩十四  
爲詩料理雲兮楚之雲水兮湘之水迴鴈夕陽啣一葦山  
高見衡嶽江遠會南紀君兮君兮可柰何我詩敢龐屈賈  
壘

知潭州湖南安撫使李公

劉壘

三已甘退休十連起遲暮伊誰急求子流落乃不怒黑雲  
來如山殺氣震平楚恭惟君父命封疆以身護闔門義不  
辱呼卒汝善處飛魂隨劒光自己投火去天泣鬼神愁地  
搖山嶽仆吾非莒柱厲敢以死醜主正自常事耳義命逃  
安所冲遠誰與儔睢陽有張許

觀山谷懷仁老詩

李棟

昔有瀟湘圖今與瀟湘會鴈只到衡陽人在衡陽外花光

古名剝衡陽諸山最寺後峯如戟寺前水如帶層樓倚翠  
微喬木遺老檜龍象示尊嚴丹青絢圖繪登佛所在堂高  
閣絕纖堪眼空萬物小四顧如天大談笑生清風撩亂走  
春藹才喜三日晴一雨又滂霈嘗聞老仲仁戲筆於三昧  
山谷所畱題經過記顛沛二人骨已仙真成蟬脫蛻何如  
我今來民安時更泰主僧解殷勤賓客羅軒蓋吟詩得佳  
句感古發永慨山蔬雜蕨薇盤飧薦脯膾相看遂忘歸歸  
路晚何害

湖南安撫知潭州李公

劉麟瑞

平楚樓頭矢石驚焚香稽首列宸京盡殲妻子期全節寧  
死封疆不忍生煙燄張空隳趙壁旌旗倒影下湘城善刀  
清泉縣志

卷二十四藝文志

詩

十五

人在同觀化名與澄江一樣清

知衡州尹公穀

劉麟瑞

燕寢凝香未赴衡却從湘帥守湘城衣冠望闕臣辭主詔  
誥陳庭弟狗兄劫火鍊成忠孝種英風鼓動懦頑名滿城  
盡節榮今古三百年餘德澤清

衡州

陳孚

千里山逢十里平巍樓突兀見澄清州依岫嶺屏邊住人  
在瀟湘畫裏行海雁飛回秋渚野江豚吹老夜濤聲何時  
得似龐居士一鉢空門了此生

迴鴈峰

陳孚

迴雁峰前一棹孤平波如鏡浸菰蒲楚天日落碧雲合山

北山南聞鷓鴣

衡湘驛

傅若金

烽火連諸郡旌旗轉百蠻野鷲先客至江雁及春還吳楚  
清天迥瀟湘白日閑登臨慰裏抱况復近鄉關

衡陽驛

傅若金

南來山不盡北望意何如恨殺衡陽鴈來時不帶書

迴鴈峰

傅若金

江上青峰宿雨開江頭歸使日南來登高欲訪平安字二  
月衡陽雁已回

題文山衡陽躍馬圖和須溪韻

劉 詵

將軍紫殺騎燕然丞相白髮祁山前重瞳悲歌泣虞美伏

清泉縣志

卷二十四藝文志

詩

十六

波眼穿鳶墮水英雄相望千萬年西風荒草迷五原延秋  
王孫折金鞭女牆明月銅駝門衡山春濃風日好紫韁電  
轉人未老豈知蹶塊上海橫海天如雪狂瀾倒玉樓十二  
春衣妍流雲却月爭取憐落花金谷獨一死蒼旻不語丹  
心傅劉家的盧空識意金粟龍媒俱久逝少年相對那得  
知掩圖醉倚南風睡

石鼓書院

楔玉立

石鼓崇巒館朱陵起洞房逶迤環二水錯落翳羣芳衿佩  
來遊藝川原慨戰場遺祠垂闕葛流演發朱張風墮松花  
老秋餘桂子香飛薨瓊玉島巍殿水晶鄉霧斂東巖旭寒  
侵曲棧霜丹楓翬蜃閣青草跨虹梁綠水浮文鯉高岡集



彩鳳禹門翻錦浪虞陞覽朝陽竊藥窺蟾迹攀蘿散鷺藏  
題詩鑱石翠把釣薦橙黃杯飲窠樽古巢居樹幄涼湘波  
澄碧鏡嶽岱出新妝採菊堪充茹紉蘭欲佩裳嶺雲招隱  
約灘瀨自宮商按節休清曠征帆度渺茫驚鳥非匝繞迴  
鴈謾翱翔城郭凌煙紫林巒帶晚蒼歸與市橋月漁唱起  
滄浪

題華光梅

張 昱

墨梅之口盛衡湘始作俑者唯華光此僧平生十萬紙筆  
力所到花爲香是誰好事憐清苦三二百年存絹素和靖  
多情縱有詩廣平得意還能賦東坡先生昔倅杭萬松嶺  
見一枝長我今見畫如昨夢都在君家白玉堂